

verfolgung war zu gros / da durch die rechten
Christen nur geübter vnd gewisser im glauben
wurden ꝛc.

Darnach vnter dem Keiser Constantino /
ward die Kirch befriedet / vnd das Euangeli-
um on verfolgung gepredigt / das das würgen
auffhören / vnd der schwarze Teuffel sich ver-
kriechen musste / Denn Constantinus hielt so
fest vber den Christen / das er auch Licinium
den feinen Krieger / der mit im das Keiserthum re-
gieret / zum Reich anziaget / allein darumb / das
er die Christen nicht wolt zu frieden lassen. Da
hat die erste verfolgung des schwarzen Teuf-
fels auffgehört.

Flugs nach solchem hunger / wü-
gen vnd morden / kam der ander Teuffel /
dacht / kan ich euch mit meiner schwarzen hes-
lichen farbe nicht abschrecken / so wil ich ein an-
ders versuchen / Vnd wurde also ein liechter
Teuffel / der sich verstellte / das er gliesse / wie ein
himlischer Engel / vnd greiff die sache gleich
auff die selbe weise an / wie ers mit Christo für-
genommen hatte / Da es im zumersten mit im
nicht gelingen wolt / Darr (gedacht er) du wilt
Gott vertrauen / das / wenn du schon kein brod
hast / könne er dich gleichwol erneren / wenn du
nur sein wort hast / Wilt du daran / so wil ich
dir dazu helffen / vnd gnug zugleuben schaffen
ꝛc. Nimpt in / vnd füret in nicht weiter inn die
wüsten hinein / sondern aus der wüsten heraus /
das ist /